

四庫全書

經部

欽定四庫全書

經部

禹貢會箋

目錄

凡例

表首圖

詳校官監察御史臣王爾烈

通政使司副使臣莫瞻菴覆勘

總校官庶吉士臣倉聖脈

校對官中書臣王家賓

謄錄監生臣章玉植

繪圖監生臣周緯

欽定四庫全書

經部二

禹貢會箋

書類

提要

臣等謹案禹貢會箋十二卷

國朝徐文靖撰文靖字位山當塗人雍正癸卯
舉人乾隆元年薦舉博學鴻詞試不入格十
七年又薦舉經學

特授翰林院檢討是書首列禹貢山水總目以水

經所載為主附論於下次為圖十有八各係
以說書中皆先引蔡傳而續為之箋博據諸
書斷以已意如汾水西入河非東入河徒駭
即河之經流非別有一經流三江既入終以
南江北江中江為正九江在潯陽非洞庭皆
不為蔡傳所囿至於蔡山則闕其所疑不主
寰宇記周公山即蔡山之說於博物則取金
史地理志謂在乾州武亭縣今武功縣之東

南二百里三危山引西河舊事為昇雨山謂
史記註作卑雨山蓋字之誤併辨胡渭之訛
皆具有考證蓋說禹貢者宋以來勢如亂絲
至胡渭雖指出而摧陷廓除始有條理可按
文靖生渭之後因渭所已言而更推尋所未
至故較之渭書益為精密蓋繼事者易有功
也惟信山海經竹書紀年太過是則僻於好
古不究真偽之失耳乾隆四十三年六月恭

校上

總纂官

臣紀昀

臣陸錫熊

臣孫士毅

總

校

官

臣

陸費墀

禹貢會箋原序

周公職錄曰黃帝受命風后授圖割地布九州是九州
本依圖而立也水經注曰禹理水觀于河見白面長人
魚身授禹河圖而還于淵是禹之治水亦依圖而治也
自是而後夏少康使商侯冥治河帝杼十三年冥死于
河殷祖乙避河遷耿二年圮于耿復遷于庇求如禹貢
之治水難矣鄭樵通志曰桀焚黃圖夏圖所繇盡亡也
爾雅九州說者皆以為商制圖無聞焉周圖書大備大

司徒掌天下土地之圖周知九州之地域司險掌九州之圖知山林川澤之阻漢入關收秦圖書得具知天下院塞武帝時齊人延年上書言河出昆侖經中國注渤海是其地勢西北高而東南下可按圖書觀地形令水工準高下開大河上領出之胡中明帝永平中議治汴渠上引樂浪人王景問水形便因賜景山海經河渠書禹貢圖禹貢之有圖尚已後世圖事闕畧晉司空裴秀惜之乃殫思著禹貢地域圖十有八篇其制圖之體有

六一曰分率二曰準望三曰道里四曰高下五曰方邪
六曰迂直悉因地制形王隱晉書曰裴秀為司空作禹
貢地域圖事成奏上藏於祕府為時名公誠有所慕而
云也唐大衍山河兩戒取禹貢三條四列之說而不及
圖程大昌撰禹貢論繪圖三十有一鄭東卿著尚書圖
禹貢山澤圖二十有五然皆未有見余家藏有六經圖
禹貢圖一二而已又所藏宋大觀中地理指掌圖其中
有帝嚳及堯九州圖舜十二州圖禹迹圖然臚列當時

郡縣於禹貢山澤六十餘地不能備載少嘗見艾千子
禹貢圖簡而能該第從前譌誤尚未駁正章氏本清圖
書編名山大澤皆有圖不專為禹貢設故雖有圖而不
精近見王太史翦林刻乃祖禹貢圖胡氏朏明禹貢山
澤間有圖而圖之前後左右少有脈絡可尋此圖禹貢
者所旨難也陸氏文裕曰余嘗欲取今之州縣推而上
之會于禹貢之命名以著古今之離合遷改為一書志
誠偉哉余竊有志而未逮顧已為禹貢會箋一書又何

能已于圖也爰列圖若干于前并以圖說附注之稍訂其譌誤如此後之君子按圖而興感思大禹明德之遠而不為小智之鑒則又會箋繪圖者之私願夫

凡例

一冀州舊圖依蔡傳涑水出覃懷西今按周職方并州其川涑易非冀州浸也山海經沁水注河入懷東南因改從沁舊以洞庭為九江今據經九江孔殷在江漢朝宗之下仍依漢志九江在尋陽餘放此

一禹貢圖古未嘗有聞漢明帝議治汴渠賜樂浪人王景禹貢圖當猶是收秦圖書所得晉司空裴秀著禹貢圖十八篇序載于晉史而圖不傳今為圖多參取

艾千子間採之六經圖指掌圖而至於駁正譌誤不敢附會前人

一會箋取四海會同之義蓋雜採經傳子史九流百家支分派別悉會于一猶百川岐流汙港悉會于海使有所歸也

一仰觀俯察皆學者窮理之事然仰觀易俯察難周天三百六十五度試登高望之皆可一覽而至於地理不然數十里之外目力所不及足跡所不周即或親

歷其境東西易位高下頓殊而欲確指其山澤所在以求無舛于經則將指延安之洛以為禹貢之漆沮据安豐之石以為禹貢之大別說非無本其實疎也一是編主于駁正疑誤故列蔡傳于前是者可之不是者否之要皆各有所証發寧可得罪於先賢不敢貽誤於後學漸至白日塵昏聖經蕪穢也

一會箋於近纂禹貢者略加考訂如山海經漢水出鮒鰌之山漢乃濮謠而郭注妄引蟠冢導漾東流為漢

近遂以鮒鰮為嶠冢之別名西河舊事三危山俗亦謂昇雨山夏本紀注謠作卑羽山今仍因之謠以傳謠伊于胡底故于是編中約略正之

一胡氏禹貢錐指考訂漢唐注疏最為詳密謂釋禹貢者莫先於安國之書傳安國武帝時人孔穎達所謂身為博士具見圖籍者也今觀其注禹貢山水地名並顛預鵲突不甚分明荷澤在定陶而云在湖陵伊水出盧氏而云出陸渾澗水出新安而云出澠池橫

尾山北去淮二百餘里而云淮水經陪尾江水南去
衡山五六百里而云衡山江所經又若穀城為澠水
所出魏始省穀城入河南而傳云澠出河南北山金
城郡乃昭帝置而傳云積石山在金城西南孟津在
河陽之孟地東漢始移其名于河南而傳云在洛北
明非西漢人手筆此等考證真發前人所未發會箋
中不敢勦襲雷同而又不忍為割愛故列于此

一漢劉秀上山海經奏曰禹別九州任土作貢而益等

類物善惡著山海經皆聖賢之遺事古文之著明者也按禹貢與山海經猶春秋內外傳也禹貢之山水多具見于山海經以禹之經解禹之書其不致有謬誤也明矣故會箋于山海經所引為多

一宋易氏祓字彥祥別號山齋所著禹貢疆里記胡朏明謂其書亡余於徐常吉禹貢解中備錄原文冀藉以廣其傳云至以澧水為醴陵九江為洞庭蓋浸淫宋人之說亦小疵也

一趙君文冕以明經考授縣佐好古嗜學蓄書甚多一時名下士無不延引講習賞析奇疑家淳溪距余舍丹陽湖汜僅二十餘里且素有親道因得以文字往來余年近九旬閒居無事檢舊簾得禹貢會箋十二卷郵請是正承雅誼捐資命工立加剞劂余垂老而不能藏拙者趙君意也謂是編可與問世藉以為後學司南則余何敢

欽定四庫全書

禹貢會箋卷首

翰林院檢討徐文靖撰

山水總

余讀蔡西山書傳於禹貢一書大抵據水經以立言
耳世所傳水經不著名氏或以為郭璞或以為桑欽
酈注亦未嘗明言今閱孟堅地理志中山國北新成
縣桑欽言易水出西北東入滏張掖刪丹縣桑欽以

為導弱水西至酒泉合黎丹陽陵陽縣桑欽言淮水
出東南北入江平原高唐縣桑欽言漯水所出上黨
屯留縣桑欽言絳水出西南東入海則水經為欽作
無疑矣水經四十卷末自志云禹貢山水澤地所在
凡六十其所載郡縣多西漢後則又似非欽作者前
書儒林傳孔氏有古文尚書安國授都尉朝而司馬
遷亦從安國問故遷書載堯典禹貢洪範諸篇多古
文說數傳至平陵塗惲授河南桑欽君長欽蓋漢成

帝元帝時人經稱九江地在長沙下雋縣西北下雋
前志屬長沙國後漢郡國志同則此所載禹貢山水
澤地所在凡六十抵皆酈氏之注述欽言也因列
其總目於前所有譌誤者并注於下

泰山為東嶽在泰山博縣西

按竹書紀年堯七十四年
虞舜初巡四岳舜典歲二

月東巡狩至于岱宗柴風俗通云泰山
山之尊為五岳長王者受命恒封禪之

霍山為南嶽在霍山灊縣西北

酈注云天柱也又郭璞
注爾雅云霍山在潛縣

別名天柱山漢武以衡山遼遠識緯以霍山為岳故
祭之今按爾雅云江南衡又云霍山為南嶽蓋衡山

本名霍山尚書大傳曰舜元年巡狩四嶽元祀代泰
山中祀大交霍山貢兩伯之樂焉則霍山之名起於
虞前何云從漢武始也漢特移祀於天柱名霍
山耳漢志廬江潯陽縣注天柱山在南不言霍山

華山為西嶽在弘農華陰縣西南鄴注云古文之惇物也今按地理志扶風

武功縣垂山古文以為惇物初未嘗言華山也又漢
志弘農十一縣無華陰縣華陰縣屬京兆尹太華山
在南注
並誤也

雷首山在扶風蒲坂縣東南按竹書紀年帝堯五十年遊于首山乘素車玄駒即

是山也後世因名為堯山故漢志
云河東蒲坂有堯山雷首山在南

砥柱山在河東太陽縣河中按師古注漢書云砥柱在陝縣東北山在河中形若

柱也漢武帝時河東守番係言漕從山東西歲百餘萬石更底柱之艱敗亡甚多即是山也

王屋山在河東垣曲縣東北

孔安國曰王屋山在冀州之南河之北

太行山在河內野王縣西北

按前志河內山陽縣東北行山在西北後志在河內

野王

恒山為北嶽在中山上曲陽縣西北

按前志常山上曲陽恒山北谷在西

北禹貢恒水所出東入滹後志中山上曲陽

碣石山在遼西臨渝縣水中

按前志右北平驪成縣大碣石山在縣西南遼西臨

渝縣有渝水紮縣有碣石水南入官後志遼西臨渝縣注引山海經揭石之山編水出焉此注從後志也

析城山在河東濩澤縣西南

漢志同應劭曰有濩澤在西北括地志析城山在澤

州西南七十里

太嶽山在河東永安縣

按漢志河東彘縣霍太山在東應劭曰順帝改曰永安

壺口山在河東北屈縣東南

漢志同按括地志壺口山在慈州吉昌縣西南五十

里冀州境也

龍門山在河東皮氏縣西

按史記始皇本紀禹鑿龍門通大夏決河亭水放之海後

漢志云馮翊夏陽縣有龍門山是也初未嘗有言皮氏西者據左傳杜預注云平陽皮氏縣東南有耿鄉括地志故耿城在龍門東南十二里是龍門在皮氏縣西也

梁山在馮翊夏陽縣西北河上

按漢志夏陽故少梁秦惠王十一年更名禹貢

梁山在西北公羊傳梁山河上山也

荆山在馮翊襄德縣南

按孔安國書傳曰漆沮二水名亦曰洛水出馮翊北漢志馮翊

襄德縣禹貢北條荆山在南洛水東南入渭傳蓋誤以延安之洛水為即禹貢之漆沮水也漢志因之亦誤

岐山在扶風美陽縣西北

漢志美陽縣禹貢岐山在西北中水鄉括地志云山在岐

州岐山縣東北十里

關山在扶風汧縣之西

按漢志扶風汧縣吳山在西古文以為汧山北有蒲谷鄉弦谷

中汧水出西北入渭又吳山一名吳嶽周禮正西曰雍州其山鎮曰嶽即吳山也禹貢無關山注云汧縣

之西蓋吳山耳

隴山

按漢志隴西有隴坻師古曰即今之隴山也禹貢

年巡隴西北地出鷄頭山正義曰括地志云鷄頭山在成州上祿縣東北二十里酈元云蓋大隴山異名也後漢書隗囂傳云王孟塞鷄頭山即此也本傳注鷄或作笄蓋汧山西接隴岡通謂之隴山也汧音牽

終南山惇物山在扶風武功縣西南

按漢志扶風武功縣有太壹山古文

以為終南武功縣垂山古文以為惇物是二山皆在武功西南

須山在隴西臨洮縣西南

按禹貢無須山須當是頊之譌漢志隴西臨洮縣禹貢西

項山在縣西南部都尉治也南部二字屬下不得以西南為句疑誤逗也

蟠冢山在隴西氐道縣之南

按漢志隴西氐道縣禹貢漾水所出不云蟠冢惟隴

西至江州入江後漢郡國志漢陽西縣故屬隴西有蟠冢山西漢水鄭玄曰西在隴西今謂之八充山据五帝紀注作兌山今本後志作八充殆誤分兌字為八充也

鳥鼠同穴山在隴西首陽縣西南

按後漢郡國志隴西首陽縣有鳥鼠同穴

山穴地八三四尺鼠在內鳥在外地道記曰有三危三苗所處蓋當日分北三苗析為三處一在此一在燉煌縣南一在零陵東南所謂分北三苗也北古別字

積石山在隴西河關縣西南

按漢志金城河關縣積石山在西南羌中此注云隴

西誤

都野澤在武威縣東北

禹貢豬野史記作都野漢志武威郡武威縣休都澤在東北古

文以為豬野澤

合黎山在酒泉曾水縣東北

按曾水當作會水漢志酒泉郡有會水縣無曾水也

亦不言有合黎山惟張掖刪丹縣注桑欽以為導弱水西至酒泉合黎故水經云北至酒泉會水縣入合

黎山腹

流沙地在張掖居延縣東北

按漢志張掖居延縣居延澤古文以為流沙然經言

西被不應於東北求之後漢燉煌郡注引耆舊傳曰
水有懸泉之神山有鳴沙之異則流沙言燉煌之西
為是

矣

三危山在燉煌縣南

按漢志武帝後元年分酒泉置燉煌郡山海經黑水出張掖鷄山南

流至燉煌過三危入于南海
師古曰至燉煌過三危也

朱圉山在天水北冀縣南

按漢志天水冀縣朱圉山在縣南梧中聚

岷山在蜀郡湔氐道西

漢志湔氐道禹貢嶓山在西徼外江水所出南至江都入海

蟠冢山在弘農盧氏縣南

按漢志有熊耳山在弘農盧氏縣無蟠冢山也此乃注誤

荆山在南郡臨沮縣東北

按漢志南郡臨沮縣禹貢南條荆山在東北漳水所出東

至江陵入楊水酈注曰今漳水於當陽縣之東南一百里餘而右會沮水志云入楊水非矣

内方山在江夏竟陵縣東北按漢志竟陵縣章山在東北古文以為内方山後志

作立章山

大别山在廬江安豐縣西南

按漢志六安國安豐縣禹貢大别山在西南杜預曰

左傳吳與楚夾漢自小别至于大别然則二别近漢之山無緣得在安豐也

外方山嵩高山也

按爾雅山大而高曰崧時猶無中嶽之名故以為外方也

桐柏山在南陽平氏縣東南

按前志南陽平氏縣禹貢桐柏大復山在東南後志

平氏縣桐柏大復山淮水出經但言桐柏何也荊州記曰桐柏淮源涌發其中潛流三十里出大復山南

經但言桐
柏宜矣

陪尾山在江夏安陸縣東北

按漢志江夏安陸縣橫尾山在東北古文以為陪尾

山程大昌日記以為泗水縣有陪尾山乃禹貢陪尾也

衡山在長沙湘南縣南

按後志長沙湘南縣衡山在東南郭璞曰山别名岫嶺岫音苟

九江地在長沙下雋縣西北

按前志有下雋後志長沙有下雋史皆不注酈注以

九江在下雋縣西北此非水經之言也桑欽乃西漢成帝時人班志何不引乎蔡傳乃據之謂洞庭為九

江范致明撰岳陽風土記以下雋地在蒲圻即以洞庭為九江亦在下雋之西南何從在西北乎況經文

九江孔殷在江漢朝宗之下若使洞庭為九江則經文當云九江孔殷江漢朝宗于海矣且安知下雋西

北不為東北之謫
而以為確據乎

雲夢澤在南郡華容縣之東

按爾雅楚有雲夢郭璞注今南郡華容縣巴丘湖也

東陵地在廬江金蘭縣西北

按前志廬江金蘭西北有東陵鄉淮水出屬揚州廬

江出東陵陽東南北入江又丹陽陵陽縣注桑欽言淮水出東南北大江前言廬江出東南入江今此又

言淮水出東南入江疑有一誤金蘭縣不見兩志惟此注云金蘭縣又決水注云決水又西北灌水注之

其水導源廬江金蘭縣西北東陵鄉大蘇山即灌水也此二處皆有縣字兩漢志皆不載存此以補其缺

敷淺原地在豫章歷陵縣西南

按漢志豫章歷陵縣傳易山傳易川在南古文

以為敷淺原傳讀曰敷易古陽字今皆謫傳陽為博陽矣

彭蠡澤在豫章彭澤縣北

按漢志豫章彭澤禹貢彭蠡澤在西此云北誤

中江在丹陽蕪湖東至會稽陽羨入于海

按漢志丹陽蕪湖縣中江

出西南東至陽羨入海應劭曰范蠡乘扁舟出三江入五湖今廬江臨丹陽蕪湖縣是也

震澤在吳縣南五十里

按漢志會稽吳縣具區澤在西古文以為震澤南江在南東入

海南江在吳縣南震澤在吳縣之西此云震澤在縣南誤也

陶丘在濟陰定陶縣之西南

按漢志禹貢陶丘在西南陶丘亭郭璞曰今濟陰定

陶城中有陶丘蓋西南有陶丘亭乃謂舜陶於河濱設耳

河澤在定陶縣東

按漢志禹貢河澤在定陶東河音柯

雷澤在濟陰成陽縣西北

按漢志濟陰成陽縣禹貢雷澤在西北括地志濮州雷澤

縣本漢鄆陽縣在

州東九十一里

荷水在山陽湖陸縣南

按上言荷澤此不當又言荷水据漢志山陽湖陸縣禹貢浮于

淮泗達于河水在南則此荷水當作河水也禹貢豫州浮洛入河師古注曰因洛入河也故特志之

蒙山在太山蒙陰縣西南

按漢志蒙陰縣禹貢蒙山在西南顯夷國在蒙山下

大野澤在山陽鉅野縣東北

按爾雅魯有大野郭注高平鉅野縣東北大澤漢時

屬山陽晉屬高平

大邳山在河南成臯縣北

按大邳漢志不載括地志云大邳山今名黎陽東山又曰

青壇山在黎縣南七里
今此注云在成臯非也

明都澤在梁郡睢陽縣東北

按孟豬史記作明都周職方青州其澤藪曰望諸鄭

注望諸明都
也在睢陽

益州沱水在蜀郡汶江縣西南其一在郫縣西南皆還

入江

按漢武帝元朔二年改梁州曰益益即梁也前漢志蜀郡汶江縣江沱在西南東入江又郫縣江沱

在西東
入大江

荊州沱水在南郡枝江縣三澁地之南在邛縣之北

按漢

志南郡枝江縣江沱出西東入江三澁
在竟陵邛當作邛邛縣名也此云邛誤

欽定四庫全書

禹貢會箋

圖目

冀州圖

冀州考

兗州圖

兗州考

青州圖

青州考

徐州圖

徐州考

揚州圖

揚州考

荊州圖

荊州考

豫州圖

豫州考

梁州圖

梁州考

雍州圖

雍州考

導山圖

導山說

導水圖

導水說

導水先後圖

導水先後說

附里數

任土作貢圖

任土作貢說

三江圖

三江考

九江圖

九江考

九河圖

九河說

九州總圖

九州
歲附

九州同異考

五服圖

五服圖說

冀州圖



水經注以濁漳為衡水凡域志衡水縣有長蘆河即衡水故清非濁漳也

蔡傳韋懷注淇水出乎其東澧水出乎其西按隋煬帝于衛縣開淇水之入河立淇門以通河東北行得禹九河之故道是也周職方并州其浸沫易舜分衛水東北為并州沫非冀浸明矣山海經沁水出井陘山東東南注河入懷東南是沁水在懷西舊圖依傳作沫水誤也今改從沁

冀州考

禹貢冀州既載舜以冀州南北濶大分衛水以北為并州燕
以北為幽州並置牧周禮職方河內曰冀州山曰霍藪
曰楊紆川曰漳浸曰汾潞其在天官昴畢則趙之分野
尾箕則燕之分野兼得秦魏衛之交秦一天下置郡為
鉅鹿邯鄲上谷漁陽右北平遼西河東上黨太原代郡
鴈門雲中及三川之北境漢武置十三州此為冀州幽
州并州後漢並因前代為冀州幽州并州魏晉並因之

唐分置十五部此為河北道河東道兼分入都畿關內
道宋承唐制冀州之境為河北河東兩路又分河北為
東西二路

兗州圖

山海經雷澤有雷神
龍身而人頭鼓其腹
在吳西北其震澤
有大雷小雷二山
故謂之雷澤非禹
貢雷夏澤也史記
正義改在吳西為
濟則雷澤傳據之而誤



會同

杜預釋地汲水還雍丘
縣故城北遙陽樂南又東
有故渠出焉南通沮水水
經注沮水出陳留西麓蕩
渠東北流還雍丘城北是
下流會同處也

周定王五年河徙自宿胥
口東行潁川至長壽津與
潁別行而東北合漳水至
章武入海

徐

兗州考

禹貢濟河惟兗州舜置十二牧兗州其一也周禮職方河東曰兗州山曰岱數曰大野川曰河涕浸曰盧灘其在天文營室東壁則衛之分野兼得魏宋齊趙之交秦一天下置郡此為東郡碭郡之東北境齊郡之北境鉅鹿上谷二郡之東境漢武置十三州此為兗州後漢並因前代魏晉亦置兗州永嘉之後陷于石勒宋武平河南又得其地置兗州宋末其地入後魏唐分置十五部

此為河南道宋以魏博貝滄德棣為河北東路濮鄆濟
為京東西路滑為京西北路

青州圖

淮南子離水出覆
舟山巽當作覆字
諺也余按竹書紀
年夏后帝相二十
七年澆伐斟尋大
戰于離覆其舟滅
之故後世以離山
為覆舟山也

濟

臨清

濟陽

濟南

東光

臨淄

清小

海倉口

岫夷

萊夷

高密

膠水

濰

海岱惟
青州

覆舟山
原山

汶水

西南
至岱

岱

東原
南旺

泗水

泗

陰蒙

沂水

徐

曾氏謂出萊蕪原山
入濟者徐州之汶謂
出朱虛泰山北又東
入離者青州之汶然
禹貢浮汶達濟皆指
青州則謂青州之汶
入離者離乃入海何
由達河至帝都乎蓋
汶有三源至泰安州
曰整汶與徂萊小汶
河合同入濟故青之
貢道浮汶達濟

青州考


禹貢海岱惟青州舜分青州為營州皆置牧周以徐州合青州其土益大周禮職方正東曰青州山曰沂數曰孟諸川曰淮泗浸曰沂沐其在天官虛危則齊之分野秦平天下置郡此為齊郡琅瑯之東境遼東秦亂項羽宰割天下以其地為國曰膠東齊濟北漢武置十三州此亦為青州後漢因之晉魏亦因之宋分為青冀二州後入後魏唐分置十五部此為河南道河北道宋為京

東東路京東西路

黃子鴻曰青州鎮曰沂山鄭康成謂沂水所出今沂水實出雕崖山北去

東泰山尚五十餘里則古沂山當即指此隋唐時始移沂山之名于東泰山而祀之其實二山不可混也

徐州圖




徐州考

禹貢海岱及淮惟徐州亦舜十二牧之一周并徐州入
青州今分入兗州之域在天文奎婁則魯之分野兼得
宋齊吳之交秦平天下置郡此為泗水琅琊之西境薛
郡漢又加置東海郡漢武帝置十三州還以其地為徐
州後漢並因前代魏晉亦曰徐州自晉元帝渡江徐州
所得惟半而已宋初因之明帝初地入後魏唐分置十
五部此為河南道唐末海泗二州為楊行密所據其後

為南唐宋分為京東路京西路

揚州圖



左傳吳城邦
溝通江淮而
江淮舟楫始
通見哀九年

釋名曰淮
圍也圍遶
揚州北界
也

北據淮

淮
揚州
淮海惟

漢
荆

江

廬江
廬江在中江
之北入江彭
澤西是為北
大別

湖漢
九水

廬江
中江
湖口

蕪湖

周職方揚州
其川三江

東南至海

島夷

湖漢九水在中江之
南東北至彭澤入江
是為南江大江至揚
州行數千里而始稱
為中江以南北二江
皆在揚州而大江行
其中也

吳語夫差起師北征闕為
溝于商魯之間北屬之沂
西屬之濟以會晉公于
黃池事在哀十三年

揚州考

禹貢淮海惟揚州舜置十二牧揚州其一周禮職方東南曰揚州山曰會稽藪曰具區川曰三江浸曰五湖在天官斗則吳之分野兼得楚及南越之交秦兼天下置郡此為九江鄣會稽閩中南海郡之東境武帝置十三州此為揚州後漢因之三國時淮南屬魏而江南屬吳魏晉亦置揚州元帝渡江揚州遂為王畿領江東浙江地宋孝武分浙東為東揚州後罷揚州以其地為王畿

而東揚州直云揚州尋復舊唐分置十五部此為淮南
道江南道江南西道宋為淮南東西路浙東西路江東
西路福建路

荆州圖

荆及衡陽惟荆州
是荆州亦在荆山
之陽故曰荆及衡

陽

成四百家曰河至華
陰折而東流豫州在
其南故曰南河

西河

恒山

江沱潛漢不與河通
必由襄陽登陸北走
南陽由洛至河

荆州記曰楚之北津
從襄陽渡江經南陽
出方關是周鄭晉衝
之道

方關

漢

大別

漢自隴西嶠冢由漢中流
經郿縣均州光化至襄陽
城北又東南經宜城抵安
陵至大別山而入江

彭澤

九江

江南為雲
北為澤地
方八九百
里

荆山

北距南
條荆山

潛

梁

衡山

南盡衡山
之陽

江

漢梁

荊州考

禹貢荊及衡陽惟荊州舜置十二牧荊州其一周禮職
方正南曰荊州山曰衡藪曰雲夢川曰江漢浸曰潁湛
春秋至戰國時並為楚地其在天文翼軫則楚之分野
兼得韓秦之交秦兼天下置郡此為南郡黔中長沙南
陽之東境漢武置十三州此為荊州後漢及晉並因之
宋分置荊州司州鄧州雍州湘州齊亦因之唐分置十
五部此為山南東道江南西道黔中道兼分入淮南及

嶺南道宋乾德元年平荆湖三年平蜀始盡得古荊州
之地後為荆湖北路荆湖南路及夔州之施黔思播等
州云

豫州圖

荆河惟
豫州
荷澤至
孟豬百
四十里

河山

剂

沈

東源
西源

濟

朱

孟 澤

外方

水自洛出為波渡水
在今河南靈寶縣傳
引山海經妻涿之波
非也

流水出河東縣王屋山東出

溫縣西北始名濟水又東南

流當鞏縣之北而南入河與

河並流過成皋溢為滎

北距大河

渥 渥自子陽
殺城入洛

ॐ नमो भगवते वासुदेवाय

西來自各
商賈來賓

新刊國朝詩話

荆山

西南至南
條荆山

豫州考

禹貢荆河惟豫州舜為十二牧之一周禮職方河南曰
豫州山曰華川曰滎洛藪曰圃田浸曰波澨其在天官
柳七星張則周之分野房心則宋之分野觜觿參則魏
之分野角亢氐則韓之分野兼得秦楚之交秦分天下置
郡為三川碭潁川南陽郡之東境北境南郡之北境漢
武置十三州此為豫州後漢為司隸豫州魏亦同晉分
置司州及豫永嘉之亂豫州沒於劉石苻姚宋初有其

南境置豫州唐分置十五部此為都畿道河南道兼分
入山南東道及河東道五代並都汴宋因之豫州之境
為京師輔郡置京東京西二路

梁州圖

冀

龍門西河在梁州

之東以帝都言則

為西

龍門

西河

河

地理風俗記漢武
帝元朔二年改梁

為益

山為龍
門穴渭

渭與河通河不

與渭通蔡傳謂

經文當曰逾渭

若逾渭入河則

無由亂于河矣

東距華山之南

華陽黑水

惟梁州

漢水至南

鄭入河

太白

山

漢

山

山

山

山

山

山

黑水

山

山

山

山

山

山

山

山

山

西河

恒水

江

西據黑水

朱子曰黑水從雍梁西
界入南海亦不經中國

南海

蔡山
初夷


梁州考

禹貢華陽黑水惟梁州自漢川已下諸郡皆其封域舜置十二牧梁州其一周禮以梁州并雍州於天文兼參之宿亦秦之分野又得楚之交秦分天下置郡為漢中已蜀隴西郡之南境漢武置十三州改梁為益獻帝末劉備據其地魏未得之分置梁益二州晉初因之後又分益州南境置寧州宋梁益寧三州並因前代更置秦州齊及梁初多因之後魏得漢中亦曰梁州唐分置十

五部此為山南西道山南東道劍南道兼分屬京畿隴
右道及黔中道宋平孟蜀分為益州利州梓州夔州四
路云

雍州圖

三受降城
括地志積石
山今名小積
石在河州抱
罕縣西七里
兩山如削黃
河中流



雍州考


禹貢黑水西河惟雍州舜置十二牧雍其一也周禮職
方正西曰雍州山曰岳藪曰弦蒲川曰涇汭浸曰渭洛
兼得禹貢梁州之地周自武王都于豐鎬則雍州為王
畿及平王東遷洛邑以岐鄠之地賜秦其在天文東井
輿鬼則秦之分野兼得魏趙之交始皇置四十郡此為
內史上郡北地九原隴西及雲中之西南境漢武置十
三州以其西偏為涼州又置司隸領三輔後漢並如前

代晉置雍州秦州涼州後魏置北秦雍南秦三州唐置
十五部此為京畿關內道隴右道宋為陝西路及河東
路

導山

山海經禹曰天下名山經五千三百七十六萬四千五
十六里其餘小山甚衆不足記管子曰凡天下名山
五千三百七十出銅之山四百六十有七出鐵之山三
千六百有九山海經華山削成而四方高五千仞其廣

千里博物志泰山一曰天孫漢官儀泰山東上七十里至天門五岳圖云恒山高三千九百丈七尺上方三十里周迴三千里戴延之西征記嵩山東謂太室西謂少室相去十七里嵩其總名也少室高八百六十丈與太室相等徐靈期南岳記禹刻石書名山之高南岳文云高四千一十丈



導山說

蔡傳曰王鄭有三條四列之名皆為未當余按三條馬融以岍為北條西傾為中條嶓冢為南條不自王肅始也班志有南條荆山北條荆山漢張旭華岳碑序布五方則處其西列三條則居其中三條之說自古有之四列鄭玄以岍為陰列西傾次陰列嶓冢次陽列岷山正陽列蓋岍岐之列河沛所經西傾之列伊淮渭所經皆在北條為陰嶓冢之列漢水所經岷山之列江水所經

皆在南條為陽蔡傳以三條四列皆為未當據導字分之為南北二條蓋本唐天文志云天下山河之象存乎兩戒也其實一而已

導水

唐天文志河源自北紀之首循雍州北徼達華陰而與地絡相會並行而東至太行之曲分而東流與涇渭濟瀆相為表裏謂之北河江源自南紀之首循梁州南徼達華陽而與地絡相會並行而東及荆山之陽分而東

流與漢水淮瀆相為表裏謂之南河是天下之水莫大
於江河也援神契曰河者水之伯上應天漢風后曰河
凡有五皆始開於昆侖之墟山海經岷三江首大江出
岐山北江出曼山南江出高山入海在長州南是江之
發源已有三江之名補齊記云晏子曰吾聞江深五里
海深十里其餘蓋不勝記云

導水圖



導水說

河圖曰河導崑崙山名地首上為權執星

執古勢字

東流千

里至規期山名地契上為距樓星北流千里至積石山

名地肩上為別符星邠南千里入龍首山間抵龍門首

名地根上為營室星龍門上為王良星

良一作梁

為天橋神

馬出河躍南流千里抵龍首

上為龍門之北首下為南首

至卷重山

名地咽上為卷舌星東流貫砥柱觸闕流山名地喉上

為樞星以運七政西距卷重山千里東至維會名地神

上為紀星東流至大伾山名地肱上為輔星東流過澤
水至大陸名地腹幹上為虛星楊泉物理論河百里小
曲千里一曲一直是也元時尚文曰長河萬里西來其
勢遄猛至盟津而下地土平疏移徙不常前漢溝洫志
曰治土而防其川猶止兒啼而塞其口豈不遽止然其
死可立而待也文子曰汾水濛濁而宜麻濟水通和而
宜麥河水中濁而宜菽雒水輕利而宜禾渭水多力而
宜黍漢水安重而宜竹江水肥仁而宜稻淮南子曰禹

鑿龍門平水土民乃得而陸處晉地理志曰昔大禹觀
于濁河而受綠字然後窠瀛之內可得而言也殷湯江
誥曰古禹臯陶久勞于外民乃安東為江北為河南為
淮西為濟四瀆已侯萬民乃居

四瀆已侯禮云四
瀆視諸侯是也

導水先後圖

帝都

東
海
州
縣
城

東
海
州
縣
城

東
海
州
縣
城

東南次青

縣
城

南次徐

東
海
州
縣
城

東
海
州
縣
城

東
海
州
縣
城

東
揚
州
縣
城

東
海
州
縣
城

董氏昂曰天下大勢西北高而東南下九水惟河為太水患惟河為急河始入于雍而經于冀則冀當河之下流而充又其下流之入海處所以禹之功役自冀而兗則疏濟之下流也自青而徐則疏淮之下流也自揚而荆則疏江

禹貢會覽

三

爾雅河出昆侖
色白所渠并七
百一川色黃所
曰所渠并七百
為一川色黃以
所受渠多沙環
清故為一川而
色黃

黃河

漢之下流也河濟淮江漢五
水之下流既通水患平已十
之七八矣然上流不濬則猶
有壅塞於是自荆而豫以濬
伊洛之原自豫而梁以濬江
漢之原自梁而雍以濬河渭
之原從北而東從東而南從
南而西從西而北治水之功
畢矣

正荆州
漢九江案
夢沱縣

北水
南水
東水
西水
中水
南水
北水
東水
西水
中水
南水
北水
東水
西水
中水

西水

西水

北水

西水

西水
北水
東水
西水
中水
南水
北水
東水
西水
中水
南水
北水
東水
西水
中水

導水里數

漢志河入海行九千四百里江入海行二千二百六十
里漢入江行二千七百六十里淮入海行二千二百四
十里洛入河行千七十里伊入洛行四百五十里流入
河又東入海行千八百四十里汾入河行千三百四十
里漳入河行千六百八十里潞入海行千二十里沮入
泗行千三百六十里泗入淮行千一百一十里沂入泗
行六百里沭入泗行七百里一十里濰入海行五百二十

里渭入河行千八百七十里涇入渭行千六十里夏水
入沔行五百里夷水入江行五百四十里羌谷水行羌
中東北至居延入海行二千一百里居延澤古文以為
流沙山海經陽華之山門水出焉而東北流注于河門
水至于河七百九十里入洛水爾雅水自洛出為波水
經注門水即洛水之枝流者是也此可以補漢志之闕

任土作貢之圖

冀

田中中
賦上上錯
土白壤

貢
篚 無

兗

田中下
賦貢貞
土黑墳

貢漆絲
篚織文

青

田上下
賦中上
土白墳

貢鹽絺海物絲
泉鉛松怪石
篚縻絲

島夷皮服

嵎夷 萊夷

徐

田上中
賦中中
土赤埴墳

豫

田中中
賦錯上中
土壤下土墳壚

揚

田下下
賦下上上錯
土塗泥

貢

五色土夏翟孤
桐浮磬璫珠魚
篚元織縞

貢

漆象絺紵
篚織纈錫磬錯

貢

金三品璫琬簠
簠齒革羽毛木
篚織貝橘柚

淮夷

島夷卉服

雍

田上上
賦中下

土黃壤

梁

田下上
賦下中

錯

土青黎

荊

田下中
賦上上

土塗泥

貢球琳琅玕
篚無

貢瑇瑁銀鏤砮磬
熊羆狐狸織皮
篚無

貢羽毛齒革金牝斚
枯柏囓砥砮丹齒
露櫟菁茅大龜
篚玄纁璣組

昆侖析支渠搜
西戎織皮

九州冀無貢無篚雍梁有貢無篚他州貢篚皆有充
豫梁荊無夷冀有島夷揚亦有島夷青有岷夷萊夷
徐有淮夷雍有西戎

任土作貢說

王氏炎曰有賦有貢賦諸侯以供其國用貢諸侯以獻於天子挈貢以名篇有大一統之義存焉許氏曰禹貢專為紀治水之成功而併及貢賦之數故九州紀水道土色田賦之等貢物貢道為詳胡氏拙明曰禹貢之所謂賦鄭注孔疏皆主穀稅而軍賦不與焉蘇氏始云賦田所出粟米兵車之類而蔡傳取之蓋以周時軍旅之征亦謂之賦周禮大司馬注曰賦給軍用者也小司徒

注曰賦謂出車徒給徭役也左傳悉索敝賦又曰韓賦
七邑又曰魯賦八百乘邾賦六百乘又曰鄆無賦于司
馬其所謂賦皆軍賦故蔡以蘇說為長而其實不然按
周以前無謂兵為賦者左傳云少康有田一成有衆一
旅此即司馬法一成之賦也而稱衆不稱賦則唐虞更
可知王耕野云九州田賦止是米穀非必兵車此言得
之觀甸服之賦惟納總銍秸粟米則經文自有明徵不
煩後人之聚訟矣劉氏維曰禹貢以尊京師為主故首

冀州究最下故次究雍最高故終雍昆侖最遠故以織皮與三國終之而無他賦

究青徐雍荆五州賦皆無錯冀賦上上錯豫賦錯上中揚賦下上上錯梁賦下中三錯日記曰無錯者其等已定有錯者其等難定時進退以通節之也書因曰大抵高田利水下田利旱桑土水旱為災皆輕剛土水旱為災皆重中土無大獲亦無盡傷是則水旱雖同而各方受病實異其無大增減者可定以為常而消息不恒者

難執以為例此錯法所由立也

三江圖

山謙之南徐州
記京江禹貢北

江也

北江之變

海門

通州

八

鎮江

淮 酒

盧江

咸舒

安唐

所 務

10

黃梅

宿松

九江口

彭澤
湖口

彭越

彭蠡今鄱陽湖

中江入海

烟灰人境

(澤震)

三江既入震澤
成定三江入海
非入震澤也

漢志豫章雩都縣湖漢水東至彭澤入江行千九百八十里

三江考

三江之說由來不一班孟堅謂南江至吳縣入海中江至陽羨入海北江至毗陵入海孔安國謂自彭蠡江分為三入震澤遂為北江而入海虞氏林謂江自大湖入于海郭璞謂岷江浙江淞江韋昭謂淞江浙江浦陽江胡氏朏明曰類皆承譌襲舛惟蘇傳據經文之中江北江而謂岷山之江為中江嵎冢之江為北江既有中北二江則豫章之江為南江可知蔡傳駁之及閱徐堅初

學記引鄭康成書注以證三江曰左合漢為北江右合彭蠡為南江岷江居其中則為中江始知蘇氏所說東漢時固已有之馬中錫云斯言也百世以俟聖人可也余竊謂不然江漢為四瀆之二所謂瀆者以其獨能赴海也何當沒漢之名竟以漢為三江之一乎今案海內東經曰廬江出天子都入江彭澤西郭注彭澤今彭蠡在尋陽彭澤縣史記貨殖傳吳東有海鹽之饒三江五湖之利道元注水經謂廬江之名禹時已有則廬江自

大江之北而入江其為三江之北江何疑經又曰贛水
出聶都東山東北注江入彭澤西漢志豫章郡湖漢九
水東北至彭澤入江其為南江何疑經言東匯澤為彭
蠡者南也東迤北會為匯者北也南北二江夾匯于彭
澤而岷江介乎其間三江相觸江水盤渦旋轉為螺紋
朔傳以蠡測海蠡古螺字也經以彭澤為彭蠡義或然
矣自是而三江合流大江至蕪湖始名中江前此漢雖
入江而大江猶不得為中也周職方荊州其川江漢揚

州其川三江則三江並在揚州而漢水不與其數明矣
中江南江北江分流而入海水經注曰廬江出三天子
都北過彭澤西北入于海漢志中江至陽羨入海南江
至吳縣南東入海經云三江既入者是也顧乃以鄭氏
班氏之說可證漢志之謬余未之敢信

九江考

蔡傳據水經九江地在長沙下雋縣西北專指洞庭為
九江按漢志廬江郡金蘭西北有東陵鄉水經江水過
下雋縣北利水從東陵西南注之又東左得青林口酈
道元注曰水出廬江郡之東陵鄉江夏有西陵縣故是
言東矣唐書李靖傳輔公祏遣馮惠亮以舟師三萬屯
當塗陳正通步騎一萬屯青林自梁山連鎖以斷江道
則青林與東陵距當塗不甚遠其在廬江無疑矣傳以

九江在下雋西北以巴陵為漢下雋晉范致明岳陽風土記以漢下雋在蒲圻縣界則傳舛矣況傳所據者水經同一水經也九江在下雋西北可信而東陵在廬江西北獨不可信乎且安知下雋西北不為東北之謠乎竹書紀年曰周康王十六年王南巡狩至九江廬山太史公曰余南登廬山觀禹疏九江周景式廬山記曰登廬山望九江以觀禹之迹其茲峯乎則九江與廬山為近矣安得以洞庭為九江乎向使洞庭即九江禹作禹

貢名九江作山海經名洞庭無是理矣



漢九河說
漢成時馮竣奏曰禹非不受
民力以地形有勢故穿九河
今既滅難明班固云自茲
漢比亡八枝蓋所存僅徒駭
一枝也

禹貢同為逆河逆當訓迎如
尚書逆子釗于南門之外春
秋如齊逆女逆迎也王肅曰
同逆一大河納之于海是也
孔傳曰同合一大河名逆河
而入于渤海蓋非也

李氏瓚曰按九河今在河間府滄州南皮東光慶雲獻縣久已湮塞而故跡尚存傳引酈道元程氏之說謂九河俱淪于海夫其淪其塞同于非舊不必深求但黃河故道原在寧津縣屬景州而府以河間得名則九河之疏昔在其地可無疑者

孟子禹疏九河注之海則九河自為注海無復有同為一河然後注海之說宋趙偁奏曰河自孟津初行于地必須全流乃成河道禹之治水自冀抵滄景始播為九

河以其近海無患也。据此則九河皆近海矣。禹又何不愛民力，開通二百里為一大河以入海耶？

九州總圖



欽定四庫全書

鴻貢會箋

114-115

暨南

朔登



附揚雄九州箴

冀州箴

洋洋冀州鴻原大陸岳陽是都島夷被服潺湲河流
表以碣石

兗州箴

悠悠濟河兗州之寓九河既道雷夏攸處草繇木條
漆泉絲紵濟漯既通降丘宅土

青州箴

金史卷之八
圖
茫茫青州海岱是極鹽鐵之地鉛松怪石羣水攸歸
萊夷作牧

徐州箴

海岱伊淮東海是渚徐州之土邑于蕃宇大野既潞
有羽有蒙孤桐蠙珠泗沂攸同

揚州箴

夫矯揚州江漢之潞彭蠡既潞陽烏攸處橘柚羽貝
瑤琨篠簜閩越北垠沅湘攸往

荊州箴

杳杳巫山在荊之陽江漢朝宗其流湯湯雲夢塗泥
包匭菁茅金玉砥礪象貝元龜貢篚百物世世以饒

豫州箴

郁郁荊河伊洛是經滎波泉漆惟用攸成

梁州箴

原作益州

巖巖岷山古為梁州華陽西極黑水南流

雍州箴

黑水西河橫截昆侖邪指閭闔畫為雍垠上侵積石

下礙龍門

按夏書維彼陶唐有此冀方堯雖都冀乃在平陽非岳陽也冀箴岳陽是都因岳陽在冀故借以成文耳漢武帝元朔二年改梁為益益即梁也

九州同異考

嘗按楊泉曰九州變易交錯不同禹貢有梁州無并州周官有并州無梁州爾雅有幽營無青梁周職方河內曰冀州今山西地漢河內今懷慶府劉宋冀州領郡九

理厯城今山東濟南府在禹跡為青州廣陵在二漢時
為吳國江都廣陵國廣陵郡劉宋為南兖州北齊為東
廣州其為揚州自隋始也齊北兖州理淮陰晉元帝僑
置兖州寄居京口明帝以郗鑒為刺史寄居廣陵置濮
陽濟陰高平泰山等郡後改為南兖州襄陽故屬荊州
孝武於襄陽僑立雍州晉元於廣陵僑置青州鎮東陽
城以僑立州為南青州唐初置南兖州又改邳州又改
廣陵郡今揚州府圖書編曰古徐州在今泗州臨淮縣

之徐城鎮去徐州垂五百里通考曰魯郡在禹跡為徐州而漢則屬豫州所領陳留郡在禹跡為豫州而晉則屬兗州所領劉宋南徐州今鎮江府東揚州今紹興府沈約宋書義熙七年始分淮北為北徐州文帝元嘉八年更以江北為南兗州江南為南徐州治京口通典壽春郡後漢揚州刺史領郡六治此魏曰淮南後魏曰揚州梁武普通七年置南豫州後降魏陳大建復得壽陽為豫州隋改壽州齊豫州亦理壽春皆在禹跡為揚州

唐置南豫古丹陽郡在禹跡為揚州魏太和中蠻帥田
益宗納土于魏魏為立東豫州治廣陵城五代史志汝
南新息縣魏置東豫州則此廣陵乃新息非揚州也後
魏豫州今汝寧北徐州今兗州府之沂州職方河南曰
豫州李唐河南則指一道而言包古青徐兗豫四州之
境奄黃河以南皆是北史獨孤信都督三荊州今汝州
伊陽縣東荊州後改曰懷州今唐縣西荊州今鄧州在
禹跡為豫州隋志曰普安郡梁置南梁州眉山郡後周

曰青州淮南郡後魏曰揚州梁曰南豫州東魏曰揚州
陳又曰豫州後周曰揚州廬江郡梁置南豫州琅邪郡
舊置北徐州劉聰以洛陽為荊州魏梁州今陝西漢中
東魏梁州今河南開封漢中亦唐梁州漢武帝改梁州
為益州魏分置梁州益州雍州之地漢時為涼州晉置
雍州又分其地為涼州秦州後魏置雍州亦分其地為
南秦州北秦州劉宋雍州理襄陽其統領郡縣在禹跡
為荊州東晉雍州今襄陽府在禹跡為荊豫二州之界

以今之地理考之冀州古為幽燕三晉今則太行以西即山西太原等處太行以東即京師奉天等處兗州古為鄒魯即今之山東兗州東昌等處西至河東距濟南接徐豫之境其地當河之下流平行無高山青州古為齊即今之山東濟南青州登萊等處地雖近海然不當衆流之衝故禹治之比他州用力為省徐州古為魯為彭城即今之徐州豐沛隸江南為南北咽喉揚州古為吳越今之江南及兩淮江浙等處古時江淮不通今一自儀徵至揚子橋一自瓜州至揚子橋二河合而北行自高


郵寶應至清江浦入淮為今糧道咽喉重地其江以南濱海為
廣東福建荊州古為楚即今之湖廣荆襄等處其荆梁之界則
為貴州其衡山之南則為廣西豫州古為鄭衛東周大梁今之
河南開封洛陽等處其地北距河南抵荆山東抵徐西抵雍梁
居天下之中梁州古為西蜀益州今之四川成都等處其西南
夷壤為今之雲南雍州古為周秦關隴即今之陝西西安左傳
芒芒禹迹畫為九州蕭子顯南齊書郡國志讚郡國既建因州而
剖離過十三合不踰九九州之變易遷改斯數語者足以盡之矣

五服圖

欽定四庫全書

禮記集說

三十九



自今以後

圖

司 侯 誠 要 荒
五 百 五 十 五 里 五 百 五 十 五 里 五 百 五 十 五 里

都

| | |
|---|-----|
| 服 | 總領結 |
| 服 | 來男 |
| 服 | 文武 |
| 服 | 夷蔡 |
| 服 | 寧流 |

服栗米侯

五百里至 五百里至 服候 服候 魏鑒桔 朱男 服藥朱

文服綴五百里


五百里要服表

五百里
服
靈流

五服圖說

易氏彥祥曰禹五服帝畿在內帝畿千里而兩面各五
百里數其一面故曰五百里甸服自甸至荒皆數一面
每面各五百里總為二千五百里面相距凡五千里職
方氏所載則王畿不在九服之內自方五百里之侯服
至方五百里之藩服其名凡九九服每面各二百五十
里通為二千二百五十里兩面相距通為四千五百里
并王畿千里通為五千五百里增於禹者五百里之藩

服耳然禹九州之外咸建五長東漸西被即成周藩
服之域其名雖增而實未嘗增也



欽定四庫全書

經部

禹貢會箋卷

五十一至

詳校官監察御史臣王爾烈

通政使司副使臣莫瞻菴覆勘

總校官庶吉士臣倉聖脉

校對官中書臣王家賓

謄錄監生臣章玉植

欽定四庫全書

禹貢會箋卷一

翰林院檢討徐文靖撰

夏書

蔡傳曰夏禹有天下之號也禹貢作於虞時而繫之
夏書者禹之王以是功也箋按王充論衡曰堯以唐
侯得位舜以虞地得達禹由夏而起皆本興昌之地
為號重本不忘始也周書武王克商至周曰吾其有

夏之居乎遂營洛邑徐廣曰陽翟夏地也帝王世紀

曰禹受封為夏伯在豫州外方之南

今開封禹州

禹貢既

作於虞時禹時為夏伯故曰夏書不當謂有天下之
號唐孔氏堯典疏曰左傳莊八年引夏書臯陶邁種
德僖二十七年引夏書賦納以言襄二十六年引夏
書與其殺不辜寧失不經皆在夏禹謨臯陶謨當云
虞書而云夏書者以事關禹故此類是也

禹貢上

蔡傳曰上之所取謂之賦下之所供謂之貢是篇有貢有賦而獨以貢名篇者貢又夏后氏田賦之總名
箋按孔傳曰禹制九州貢法五帝本紀曰惟禹之功為大披九山通九澤決九河定九州各以其職來貢不失厥宜方五千里至于荒服禹之以貢名篇是也又夏后五十而貢在有天下之後禹貢既作於虞時不應以是名篇

禹敷土

大戴禮史記作傳土

蔡傳曰數分也分別土地以為九州也

箋

按竹書紀

年帝堯七十五年司空禹治河山海經禹鯀是始布

土均定九州郭璞曰布猶敷也

隨山刊木

史記作行山表
木漢書作聚木

蔡益稷傳曰隨循刊除也左傳曰井堙木刊刊除木

之義也循山伐木通蔽障開道路而後水工可興也

箋

按益稷篇禹曰予乘四載隨山刊木孔傳曰隨行

九州之山林刊槎其木開通道路以治水也服虔左

傳注刊削也周禮柞氏刊陽木義同

奠高山大川

奠史記作定

蔡傳曰奠定也定高山大川以別州境也若究之濟河青之海岱揚之淮海雍之黑水西河荆之荆衡徐之海岱淮豫之荆河梁之華陽黑水是也箋按孔傳曰高山大川定其差秩祀禮所視也周禮職幣辨其物而奠其錄鄭注曰奠定也是矣鄭樵曰州國之設有時而更山川之形千古不易禹貢分州必以山川

定疆界使兗州可移而濟河之兗州不可移梁州可遷而華陽黑水之梁州不可遷

冀州

蔡舜典傳曰舜既分十有二州而至商時又但言九圍九有周禮職方氏亦止列為九州則是為十二州蓋不甚久不知其自何時復合為九也箋按竹書紀年帝堯八十七年初建十有二州九十七年司空巡十二州帝舜元年己未帝即位居冀三十三年春正

月夏后受命於神宗遂復九州則是為十二州者約
四十九年也堯舜禹皆居冀夏書曰惟彼陶唐有此
冀方以言堯始都冀爾

蔡傳曰冀州三面距河兗河之西雍河之東豫河之
北箋按爾雅兩河間曰冀州蓋言南河東河也此言

三面距河者東河之西南河之東南河之北其實一
也徐士彰曰其在今日河流徐邳而九河故地乃為
漳衛入海之道則冀之東北無復河水之繞而所謂

三面濱河者蓋舊跡也

蔡傳又曰周禮職方河內曰冀州是也

箋

按周初時

改禹九州以徐梁合於青雍分冀為幽并故冀州止

有河內之地史記正義曰河從龍門南至華陰東至

衛州即東北入海曲繞冀州故言河內也若禹貢冀

州甚廣當兼并幽之地謂三面距河則可謂即周職

方河內曰冀州不可

既載壺口

水經注作壺中誤

蔡傳曰經始治之謂之載壺口山名漢地志在河東

北屈縣東南晉志平陽郡北屈縣壺口山在東南有

南故稱北

箋

按周禮載師注載之言事也禹貢既載

壺口是也後漢郡國志北屈縣有壺口山注引禹貢

曰壺口治梁及岐蓋鄭氏已前皆作冀州既載鄭始

讀為既載壺口也山海經平山平水出于其上即禹

貢壺口山也水經注平陽水出晉陽縣西壺口山東

逕狐谷亭括地志壺口蓋受河之口

河南入之道迎而受之故曰口

今在慈州吉鄉縣西南五十里傳言有南故稱北据竹書紀年翟章救鄭次于南屈是屈有南北也

蔡傳曰冀州帝都之地禹受命治水所始故曰既載然禹治水施功之序則皆自下流始故次兗次青次徐次揚次荆次豫次梁次雍兗最下故所先雍最高故獨後箋按唐孔氏曰九州之次以治為先後以水性下流當從下而泄故治水皆從下為始冀州帝都於九州近北故首從冀起而東南次兗而東南次青

而南次徐而南次揚從揚而西次荆從荆而北次豫
從豫而西次梁從梁而北次雍雍地最高故在後也
自兗以下皆準地之形勢從下向高從東向西青徐
揚三州並為東偏雍高于豫豫高于青徐雍豫之水
從青徐入海梁高于荆荆高于揚梁州之水從揚入
海兗在冀東南冀兗之水各自東北入海也

治梁及岐

蔡傳曰梁山呂梁山也在今石州離石縣東北爾雅

梁山晉望即冀州呂梁也又春秋梁山崩左氏穀梁
皆以為晉山則亦指呂梁矣箋按詩奕奕梁山維禹
甸之毛傳曰禹治梁山除水災是也春秋成公五年
梁山崩左傳晉侯以傳召伯宗問絳事焉穀梁傳梁
山崩遏河水三日不流公羊傳梁山河上山魏土地
記曰山在夏陽縣西臨於河上即禹貢之呂梁也漢
孔氏謂岐梁在雍州非是

蔡傳曰岐山在今汾州介休縣狐岐之山勝水所出

東北流注於汾箋按山海經狐岐之山勝水出焉水

經注勝水出西狐岐之山東逕六壁城南

後魏書太武討胡賊

于六壁城有六面故名

又東逕中陽故城南

今孝義縣

又東合文水

今岐山在介休縣東南二十五里一名薛頡山一名

洪山孔氏傳謂在雍州非也

雍州岐山在鳳翔府岐山縣

既修太原

蔡傳曰修因繇之功而修之也廣平曰原今河東路

太原府也

箋

按魯語曰禹能以德修繇之功注曰繇

功雖不成禹亦有所因故曰修鯀之功是也孔傳曰
太原今為郡名水經注太原郡治晉陽城秦昭襄三
年立尚書所謂既修太原者也

至于岳陽

蔡傳曰岳太岳也地志謂霍太山即太岳在河東郡
彘縣東今晉州霍邑也箋按孔傳曰太岳在太原西

南

今在平陽府霍州
上有一峯名太岳

地理志河東彘縣霍太山在東

北水經注汾水又東與彘水合水出東北太岳山禹

貢所謂岳陽也

蔡傳曰山南曰陽即今岳陽縣地也堯之所都揚子
雲冀州箴曰岳陽是都是也箋按正義曰岳陽言從

太原至岳山之南如荆之衡陽梁之華陽皆舉其境
地所至非專指一地也朱長孺曰岳陽謂霍山之南
其地所包者廣蔡傳專指岳陽縣言非又按堯都平
陽乃平山之陽非霍山也揚雄冀州箴洋洋冀州鴻
原大陸岳陽是都島夷被服因禹貢言岳陽在冀州

故云其實岳陽非堯都也

蔡傳曰汾水出於太原經於太岳東入於河此則導

汾水也

箋

按山海經管涔之山汾水出焉

山在今靜樂縣北一

百三十里

而西流注于河郭璞注曰至汾陰縣北西入河

漢志太原汾陽北山汾水所出西南至汾陰入河行
千三百四十里水經汾水出汾陽縣北管涔山又西
至汾陰縣北西注于河酈道元曰水南有長阜背汾
帶河汾水歷其陰西入河今汾州府汾河東黃河西

是汾水西入河矣蔡傳云東入誤

覃懷底績

史記作致功左傳明底其情杜預曰底致也音旨

蔡傳曰覃懷地名地志河內郡有懷縣今懷州也

箋

按韓詩外傳曰武王伐紂到邢丘更名邢丘曰懷孔

傳曰覃懷近河地名唐孔氏曰蓋覃懷二字共為一

地故云近河地名据爾雅釋言流覃也覃延也邢昺

曰水之流必相延及則是覃懷者乃覃及于懷也今

懷慶府河內縣有覃懷驛蓋因禹貢以立名也

蔡傳又引曾氏曰覃懷平地也當在孟津之東太行
之西涑水出乎其西淇水出乎其東方洪水懷山襄
陵之時而平地致功為難故曰底績箋按史記韓世
家秦擊我于太行正義曰太行在懷州河內縣北二
十五里又按山海經沁水出井陘山東東南注河入
懷東南今沁水正在懷慶之西蔡傳涑水疑當作沁
若涑水出直隸保安州礮山經涑水縣定興縣合易
水去覃懷絕遠何云出乎其西淇水出衛州共城北

山至黎陽入河疑義曰覃懷今懷慶府也府城有堯
河自太行山谷而出灌田甚為民利故曰底績非平
地致功為難之謂

至于衡漳

漢書作
衡章

蔡傳曰衡漳水名衡古橫字地志漳水二一出上黨
沾縣大陂谷今平定軍樂平縣少山也名為清漳

宋志

太平興國二年以鎮州廣陽砦建平定軍山
在今太原府平定州樂平縣西南二十里一出上

黨長子縣鹿谷山今潞州長子縣發鳩山也

山在長
子縣西

五十里 名為濁漳酈道元謂之衡水又謂之橫水東至

鄴合清漳東北至阜城入河鄴今潞州涉縣也阜城

今定遠軍東光縣也箋按孔傳曰漳水橫流入河鄭

氏曰衡漳漳水橫流釋文曰衡如字橫也馬云水名

宋景德元年改唐之景州為永靜軍有東光縣阜城

縣傳以永靜軍為定遠軍誤矣水經注漳水逕武隧

縣故城南今真定府武強縣白馬河注之上承虜池東南逕

武邑郡北而東入衡水隋於此置衡水縣今真定府

深州衡水縣是也是衡漳不得為一水矣注又曰斯
浚水又東逕樂信縣故城南地理志鉅鹿屬縣也又
東入衡水衡水又北逕鄆縣故城南是衡水不得為
橫水矣王肅以為衡漳二水名是也唐志冀州有衡
水縣滄州清池縣西五十里有衡漳隄二西北六十
里有衡漳東隄循吏傳薛大鼎為滄州刺史疏長蘆
衡漳三渠泄汙潦水不為害九域志衡水縣長蘆河
即禹貢衡漳故瀆金史景州阜城有衡水又有漳水

是也李氏瓚曰冀州原有衡水故瀆在南宮縣注以
為橫水非也

蔡傳曰桑欽云二漳異源而下流相合同歸于海唐
人亦言漳水能獨達于海請以為瀆而不云入河者
漢初漳猶入河其後河徙日東而距漳水益遠至欽

時

儒林傳桑欽君
長漢成帝時人

河自大伾而下已非故道而漳自

入海矣故欽與唐人所言者如此箋按正義曰懷在

河之北漳在懷北五百餘里從覃懷致功而北至衡

漳也則漳之不應入河明矣蔡傳謂漢初入河不知何据一統志漳水二源俱入彰德府境合流入衛河厥土惟白壤

蔡傳曰漢孔氏曰無塊曰壤顏氏曰柔土曰壤

箋按

管子地員篇上土有五壤中土有五壚下土有五埴鄭康成曰以萬物生焉則言土以人所耕而樹藝焉則言壤唐孔氏曰土堅而壤濡九章算術穿地四為壤五壤為息土則壤是土和緩之名

蔡傳曰辨土之宜有二白以辨其色壤以辨其性蓋
草人糞壤之法各因色性而辨其所當用也箋按援
神契曰五土出利以給天下黃白宜種禾黑墳宜種
麥蒼赤宜種菽泮泉宜種稻又管子地員篇有赤壚
黃唐黑墳青商白壤之名皆祖述禹貢之遺意也孔
傳曰水去土復其性色白而壤美馬曰天性和美也
厥賦惟上上錯厥田惟中中

孔傳曰賦謂土地所生以供天子上上第一雜出第

二之賦田之高下肥瘠九州之中為第五箋按唐孔氏曰多者為正少者為雜此州言上上錯者少在正下豫州言錯上中者少在正上

蔡傳曰賦高于田四等者地廣而人稠也箋按地志

曰河東土地平易有鹽鐵之饒本唐堯所居後唐李琪曰自堯堙洪水禹作司空於是辨九等之田收什一之稅其時戶口一千三百餘萬定墾田約九百二十萬頃為太平之盛冀為帝都其地廣人稠可知埤

傳曰朱子以平陽蒲坂其地磽瘠朴陋非堯舜不能都此據後世而論耳冀賦第一田第五其非磽瘠可知周職方曰其穀宜黍稷本非磽瘠明矣

蔡傳曰林氏曰冀州先賦後田者冀王畿之地天子所自治併與塲圃園田漆林之類而征之如周官載師所載賦非盡出于田也故以賦屬于厥土下餘州皆田之賦也故先田而後賦箋按周禮小司徒職經土地而井牧其田野任地事而令貢賦田有不易一

易再易之不同賦亦上中中下三錯之各異至載師
任土則以宅田士田賈田任近郊之地以官田牛田
賞田牧田任遠郊之地以公邑之田任甸地以家邑
之田任稍地田不耕者出屋粟時征其賦故必先品
田之高下而後可以制賦若禹時京師之田舊所熟
悉豈待至禹而始核唯校之八州不知其賦為何等
至是而頒行列州乃知冀賦為上上錯故先言賦而
後言田也餘八州之賦則照京師之例而行之若徐

田第五則賦第二揚田第九則賦第七而又雜出第六者是也傳以為冀賦併園廛漆林而征之賦不盡出于田故先賦後田何當日充之漆絲豫之漆枲載為定制而冀賦了不相及觀甸服止納總秸粟米別無他賦可知何得以周初時制例之於禹貢時也

恒衛既從

史記作常衛以諱恒也

蔡傳曰恒水地志出常山郡上曲陽縣恒山北谷東入滏水晁氏曰今之恒水西南流至真定府行唐縣

東流入于滋水又南流入于衡水非古逕矣箋按水經注滋水東逕左人城南又東恒水從西來注之自下滋水兼納恒川之通稱焉即禹貢所謂恒衛既從也孔傳曰二水已治從其故道

蔡傳曰衛水地志出常山郡靈壽縣東北東入滹沱河薛氏曰東北合滹沱河過信安軍入易水箋按宋

信安軍在今順天府霸州一統志衛河在靈壽縣東北十里俗呼雷溝河又棗強有索盧水即衛水之支

流也石瑤乃以為衛輝府之衛水源自府城北東達
內黃濬縣與淇漳滹沱諸水合流至直沽入海非是
大陸既作

蔡傳曰大陸孫炎曰鉅鹿北廣阿澤河所經也程氏
曰鉅鹿去古河絕遠河未嘗逕邢以行鉅鹿之廣阿
非是按爾雅高平曰陸大陸云者四無山阜曠然平
地蓋禹河自澶相以北

澶今開州相
今彰德府

皆行西山之麓

故班馬王橫皆謂載之高地則古河之在貝冀

貝今
廣平

府清河縣冀州今真定府冀州以及枯澤之南皆穿西山踵趾以行

及其已過信澤之北則西山勢斷曠然四平蓋以此地謂之大陸乃與下文北至大陸者合故隋改趙之昭慶以為大陸縣唐又割鹿城置陸渾縣皆疑鉅鹿之大陸不與河應而亦求之向北之地杜佑李吉甫以為邢趙深三州為大陸者得之箋按山海經敦與之山潦水出于其陽而東流注于泰陸之水郭璞曰泰陸水也名勝志敦與山在趙州臨城縣南七十里

金史志沃州臨城縣有敦興山

呂氏春秋九藪趙之鉅鹿高誘注廣

阿澤也河渠書注大陸澤在邢州及趙州界則鉅鹿
即為大陸明矣大陸自水名孫炎以為河所經非也
又按魏收地形志殷州治廣阿劉昫曰北齊改為趙
州隋改廣阿為大陸唐武德四年改為象城天寶元
年改為昭慶以縣西南有建初啟運二陵故名宋開寶二年改昭慶
為隆平據此則是唐改大陸為昭慶蔡傳乃謂隋改
昭慶為大陸謬矣唐志深州東鹿縣本鹿城先天二

年析鹿城置陸澤蔡傳作陸渾澤之譌也蓋大陸水
名禹治水而恒衛既從則大陸水退地可耕作若荆
州雲夢之澤雲土夢作乂是也爾雅高平曰陸疑大
陸亦必高地不得為水然洪水懷山襄陵况平陸乎
當是時洪水方割冀州為京師根本之地重農力作
粉穫豐收君相以農為本務堯授人時平秩東作舜
耕歷山田事其所素諳也禹曰濬畝澮距川暨稷播
奏庶艱食烝民乃粒萬邦作乂則冀土為諸州之倡

導夏小正初歲祭耒始用暢農率均田農及雪澤初

服于公田

夏時已有公田

二月往耰黍三月祈麥實五月種

黍菽糜蓋其遺制也呂刑曰稷降播種農殖嘉穀三

后成功惟殷于民則當日大陸既作所可想見者也

島夷皮服

史記漢書作島夷

蔡傳曰海島之夷以皮服來貢也

箋

按東漢挹婁傳

好養豕食肉衣皮遠夷慕德歌阻蘇邪犁注曰食肉

衣皮唐書回鶻列傳白雷居鮮卑故地直京師東北

五千里業射獵以赤皮緣衣爾雅東北方之美者斥山之文皮故冀東北邊之夷多皮服也孔傳曰海曲謂之島居島之夷還服其皮明水害除

鄭玄王肅本皆作鳥夷

夾右碣石入于河

史記漢書河作海

蔡傳曰碣石地志在北平郡驪城縣西南河口之地今平州之南也冀州北方貢賦之來自北海入河南向西轉而碣石在其右轉屈之間故曰夾右也

箋按

山海經碣石之山繩水出焉東流注于河郭璞曰或

曰在右北平驪城縣海邊山也則碣石在河之右而
近海矣蓋海水瀾漫稽天混茫無際遼東西貢賦入
河之道微茫難認屹然有碣石高峙其右穹窿如柱
舟楫入河望之儼在其右掖則南向入河西轉以此
為識唐陸德明釋文曰夾音協帶也宋楊伯玉九經
韻補曰夾音協以其居河之右如人之右脇然也孔
氏傳曰碣石海上山禹夾行此山之右而入河逆上
夾字以本音讀之失其旨矣杜佑曰碣石山在漢樂

浪郡遂城縣秦長城起此為左碣石禹貢碣石在平
州南三十餘里為右碣石

蔡傳曰程氏曰冀為帝都東西南三面距河他州貢
賦皆以達河為至故此三方亦不必書而其北境則
漢遼東西右北平漁陽上谷之地其水如遼濡潯易
皆中高不與河通故必自北海然後能達河也箋按

袁坤儀曰謂遼濡潯易之水皆中高不與河通者誤

濡易潯沱諸水去帝都近

漢書注易水出故安至苑陽入濡又濡水有二一出

涿郡合易水一出遼縱使入河亦不由行遼水又在西肥如縣南入海陽

塞外安得中之

郡國志注引郭璞山海經注潦水出塞外御白平山水經作衛白平今本

山海經作衛臯山當是誤合白平為臯志又誤衛為御也

蔡傳曰韋昭以為碣石其山皆在河口海濱故以誌其入貢河道歷世既久為水所漸淪入于海已去岸五百餘里矣箋按漢地志右北平驪成大碣石在縣西南王莽改縣曰碣石史記蘇秦列傳燕地方二千里南有碣石鴈門之饒封禪書北至碣石巡自遼西

若果淪入于海去岸五百里所謂在縣西南者何山
南有北至者又何石也蓋遼東為古幽營二州之域
舜分冀東北為幽即今廣寧以西之地青東北為營
即今廣寧以東之地東至鴨綠江西至山海關南至
旅順口北至開元城三面瀕邊一面阻海特碣石一
線之河可通貢道自島夷入貢而外不使習知其內
地夷險聖人制貢之意微矣哉

禹貢會箋卷一